

他具說然後滅度是故諸佛得彼涅槃摩那
婆如我於先所說法中多引虛空以為譬喻
汝意云何豈彼虛空名涅槃耶摩那婆汝於
是中應善思惟豈獨慈悲憐愍世間取眾生
相名涅槃耶摩那婆我今教汝如我所說是
彼定義汝更思惟稱量分別既思量已真得

法味亦能了達語義句門了義明故不起諍
論不取著法得如實想如實想故則不復求
一切諸法以不復求一切法故則亦不得一
切諸法不得法故則不得涅槃不得涅槃故
爾時即名得涅槃也

摩那婆汝等當知若人不捨分段相者則取
涅槃常現在前如是次第則未沒世間有為
法中終不捨離一切諸行彼若不能捨離諸
行是則不名得涅槃也摩那婆是故汝當乾
枯諸行汝若能使諸行不生爾時方名得涅
槃也夫求涅槃者無有言說汝若求於有為
行法當自觀察先捨攀緣攀緣滅已則名實

相當如是持亦如斯證

十三

大法炬陀羅尼經卷第九

彼九

珂貝上苦何反下博毀咎下音紫舉措下七
輕躁下則到反咽喉上音煙警散上音斯風
痰下音談而癩瘡上力垂反珍滅上徒

大法炬陀羅尼經卷第十

彼十

隋北天竺三藏法師闍那崛多等譯

遮謗品第二十一

持經功德品第二十二

為他悔過品第二十三

六度品第二十四

遮謗品第二十一

爾時彼諸菩薩摩訶薩復白放光佛言世尊
若人聞是陀羅尼經生疑惑心起顛倒想生
惑倒已更起增上重誹謗心世尊彼等何因
能謗此法如是眾生云何受持是法門也
爾時佛告諸菩薩言摩那婆彼諸眾生不能

信受此法門故即便違背起誹謗心諸菩薩
衆復白佛言世尊如是遠離功德衆生當生
何處受何等報佛言摩那婆汝今何緣問我
是事菩薩衆言世尊有因緣故我敢諮問如
來應供正遍覺如是之事世尊是中多有衆
生以自心力以信行心聽受佛法而不依行
更復於是說法師所起輕慢心於甚深法增
誹謗事是故我今請問斯事爲令衆生斷除
愚癡未來世中不受殃報

爾時放光如來告諸菩薩言摩那婆若有衆
生於佛世尊甚深密智最上勝智最微妙智
乃至一句生毀謗者是人當受無量惡報若
復有人發如是言此非佛語非如來教轉增
誹謗復於如是諸佛法中既無信心自誹謗
已更令無量無邊衆生於佛如是大慧門中
乃至一句誹謗不信多作障礙乃至不聽他
人讀誦聽受因口業故造種種惡必定當受
無量惡報摩那婆寧令是人一切不聞不令

彼聞起塵重謗摩那婆寧使是人以諸瓦石
填塞其口滿一百年不令得造如是謗業言
此法門非如來說摩那婆如是癡人住邪慢
心誹謗經典與餘衆生爲大障礙摩那婆彼
諸惡人非但愚癡作如是說復住慳嫉謗毀
是經我今云何令諸衆生於是法中莫能成
就摩那婆寧使是人噉食牛異過於無量百
千億歲不令是人爲飲食故誹謗是法摩那
婆寧使是人卧於管針棘刺之上過千億歲
不令是人爲牀敷故謗毀是法摩那婆寧使
是人裸露形體過千億歲不令是人爲衣服
故謗毀是法摩那婆彼諸惡人誹謗佛法現

彼十

二

在惡業我已說之汝先問我諸謗法人未來
世中得何果報者摩那婆是謗法人所受果
報我不應說所以者何我若說是果報過者
或能更令無量無邊諸衆生等聞是事已復
增誹謗
爾時彼諸菩薩摩訶薩等復白佛言世尊今

此眾中雖有衆生不堪聞是謗法果報唯願
世尊具分別說令多衆生咸得聞知何以故
世尊有諸衆生不聞是事以不聞故不能知
解以不解故喜生毀謗為救彼故今應演說
爾時放光佛告諸菩薩言摩那婆誠如汝說
諸佛如來深為愛念一切衆生以是義故我
為汝等說一句門顯諸智義摩那婆若有衆
生具足成就無量無邊諸功德聚乃能受持
如是法門摩那婆汝當知彼謗法之人具足
一切諸不善聚遠離一切諸善根本摩那婆
如是惡衆生等謗斯法故具受一切大苦惱
聚遠離一切大安樂也摩那婆彼不善人謗
佛深法我已為汝略說其事於未來世受極
惡報所謂地獄餓鬼畜生種種苦惱如前略
說無有異也摩那婆如是癡人謗佛法故受
苦果報無有惡趣而不受者經無量劫然後
乃出雖得為人常生難處邪見之家或作天
魔徒黨眷屬其心殘害猶如羅刹及閻摩王

彼十

三

以習惡心誹謗佛法故導諸衆生行邪業故
不樂安隱受苦果故摩那婆而彼謗人造極
重惡得善果者終無是處摩那婆是故汝等
欲說法時若出家人若在家入躬至汝所或
時汝身欲往他處是聽法人及餘施主若供
養汝若稱歎汝汝於是時應當一心端身靜
息如法為說莫懷諂曲遠離瞋心捨諸過非
滅除諍論如是時間應說深法令彼衆生讀
誦受持彼諸衆生既聞深法乃至一句或但
一字得生信心最為希有即得無量無邊福
聚慎勿令彼起不信心不信因緣當受無量
無邊惡果

大法炬陀羅尼經持經功德品第二十二
爾時彼諸菩薩摩訶薩復白佛言世尊若諸
衆生自能讀誦受持是法起憐愍心為人演
說乃至一句令他受持如是之人獲幾功德
任何善根能說是法不起疑心是人往昔修
何等行發何誓願親近供養幾許如來於幾

佛所聽甚深法卅尊如是法師爲誰宣說如是深法而彼聽法諸衆生等亦於往昔幾如來所種何善根於今後卅聞說深法愛樂聽受心不退沒如是等義我皆樂聞唯願卅尊具分別說

爾時放光如來告諸菩薩言摩那婆若出家人及在家人聞是諸佛甚深法門乃至一句於中即能讀誦受持起憐愍心攝受衆生爲人宣說如是法門乃至一句令諸衆生讀誦受持或爲他說我今欲說此人所得功德果報無有衆生能信受者唯有持此陀羅尼經如是人等乃能信耳或於過去諸如來所聞是法門亦能生信摩那婆汝等諦聽我當爲汝略說如是深經功德摩那婆若有人能讀誦受持爲他解說此陀羅尼門乃至一句所得功德無有邊際不可稱量不可算數吾當以喻少分說耳摩那婆假使百億轉輪聖王於諸生中所作功德與前受持一句善根百

彼十

四

千萬分不及其一摩那婆假使復有千億天帝釋所修功德望前善根百千萬分亦不及一摩那婆假令復過百千億倍大梵天王所爲功德與前善根百千萬分亦不及一摩那婆且置前事假使更得須陀洹等三果功德猶亦非比如是乃至阿羅漢辟支佛所有功德終亦非比摩那婆如我向說持經功德比於卅間一切善根盡思稱量無可比喻唯有證得阿耨多羅三藐三菩提時一切功德與前法師所獲善根等無異也何以故是二功德無不由此大陀羅尼法門生故是故一切諸餘法門皆不得比摩那婆汝等何須聞餘法門唯應持此大陀羅尼何以故無有一法此陀羅尼所不攝者亦無一疑此陀羅尼所不決者唯爲憐愍彼衆生方便更說諸餘經典而皆不離此法門也復有衆生曾於往昔諸世尊前聞是法門以此因緣復於今世聞是經典信心受持或復往昔不聞是經故

於今說生別異想摩那婆如來所說諸餘經典種種法相終無離此陀羅尼門三教藏也摩那婆如先喻說地大之性普遍無邊不可度量亦無有人知其際畔唯可得言無量無邊際不有人能作無邊無數想者得為數量摩那婆是陀羅尼法門無有邊際不可稱量

彼十

五

亦復如是唯善男子等大智慧者乃量之耳摩那婆彼善男子或於往昔諸如來所曾聞如是陀羅尼門以本聞故今於我前復得聞是甚深佛法爾時諸菩薩眾復白佛言世尊如來所說陀羅尼法門三教業藏我等已知讀誦受持如說奉行世尊我等得聞如是法已無量歡喜無量踊悅無量快樂無量利益唯佛世尊亦自證知一切眾生智所不及世尊頗亦有人能知如是三藏法門境界邊際不佛告諸菩薩言不也摩那婆是三言教業藏法門無人能得知其邊際假使一切眾生皆如上說大名稱者利根聰慧若經一劫若

百劫若百千劫乃至無量劫終不能知不能稱量不能宣說三教藏門少分邊際摩那婆唯除如來智慧辯才能譬喻說能入是處決斷疑網

大法炬陀羅尼經為他悔過品第二十三

爾時栴檀那菩薩摩訶薩從座而起整持威儀偏袒右膝右膝著地合掌恭敬白放光如來言世尊我於今者在世尊前為如是等諸惡眾生誠心悔過以彼謗法諸惡眾生於此陀羅尼門乃至一句生誹謗心若已誹謗及欲誹謗破壞訶毀乃至與一眾生於一句中而作障礙故世尊我今為彼諸惡眾生乃至無量無邊諸世界中亦多如是諸惡眾生受行顛倒誹謗正法我為彼故今於佛前誠心懺悔世尊為彼眾生無救護故無眼目故無智慧故具惡口故我今為彼至誠悔過世尊若復有人在世尊前如是悔者彼於是中得何善根獲何功德

爾時放光如來告栴檀那菩薩言善哉善哉
 摩那婆汝能如是方便熏心請問如來若善
 男子為彼破法諸惡眾生誠心悔過當得無
 量大功德聚摩那婆是功德聚難可稱量今
 以譬喻少分開演令是眾生發歡喜心摩那
 婆如此東方所有世界其中眾生一切盡為

彼十

六

摩訶施主如是南西北方四維上下周遍十
 方所有眾生一切悉為摩訶施主經於無量
 無邊不可說不可稱諸大劫數常行布施所
 謂金銀瓔寶衣服飲食湯藥房舍種種眾具
 還以無量無邊眾生皆集一處為受施者摩
 那婆於意云何是福德聚可謂大不栴檀那
 言世尊是福德聚真實寬大何以故世尊若
 有一人於無量劫行施功德尚不得邊何況
 無量眾生經無數劫行檀福聚而可測量其
 分限也佛言如是如是摩那婆彼等無量眾
 生無量劫數無量行施無量福聚雖不可知
 然猶不如善男子善女人於前一切謗法眾

中但為一人誠心懺悔所生善根所獲功德
 無量無邊不可稱比況為無量眾生誠心懺
 悔也復次摩那婆置此世界所有謗法惡眾
 生等假使十方無量無邊諸世界中所有誹
 謗正法眾生摩那婆如是十方世界謗法眾
 中但為一人至心悔過所得福聚及所生善

根尚不可限何況普為十方眾生誠心悔也
 如是福聚善根任持攝受增長諸功德聚不
 可計算不可稱量不可思議如是功德誰能
 信者唯有不退菩薩摩訶薩少能信耳時栴
 檀那復白佛言彼善男子等如是行時欲求
 何等佛言栴檀那彼善男子為菩提故荷是

彼十

七

重擔愍彼眾生至心懺悔緣此善根復能莊
 嚴諸佛國土終得如是自在受用

佛告阿難爾時眾中有優婆塞名為月上彼
 優婆塞家豐財寶以真珠瓔珞價直百千億
 金莊嚴身頸有一妙寶亦直百千億金時優
 婆塞從座而起即解真珠瓔珞奉上放光如

來復以妙寶用施栴檀那菩薩時彼月上既
奉獻已更增深敬大欣喜心發如是念我家
所有倉庫寶藏及餘資生皆悉具足可以此
時淨施如來及栴檀那復作是念今聖者栴
檀那若知我發如是心已向世尊說世尊聞
已即遣栴檀那菩薩親教示我我時承稟乃
至盡壽自當學彼諸菩薩行長者月上發是
心時栴檀那菩薩以他心智觀察知已即白
放光如來言世尊我今明見此會衆中月上
優婆塞復發深心作如是念我今及時盡家
所有悉以淨心奉上世尊世尊此優婆塞能
發大心乃有如是智慧辯才布施辯才捨棄
辯才欲請如來說發心事然以如來道德巍
巍威神高遠心懷慚懼不敢干請善哉世尊
我今實爲此優婆塞請白世尊如斯之事
爾時放光如來即告栴檀那言善哉善哉栴
檀那汝今成就是他心智以於無量無數劫
中久修習彼諸善根故摩那婆我亦知此優

婆塞心但爲此會諸菩薩等捨置是心且默
然作亦令一切諸菩薩衆於是法中學汝栴
檀那之所行耳時栴檀那菩薩摩訶薩告彼
長者言長者汝今實有如是念不長者報言
尊者我今實有如是心念然我唯以恭敬心
故尊重心故希有心故不敢諮白如來世尊
今見聖者栴檀那菩薩以憐愍心乃能如是
爲於世間一切衆生無救護者無正念者無
將導者在世尊前至誠懺悔爲依爲導我見
是已即於聖者栴檀那菩薩生大希有心深
敬重心以聖者栴檀那初未曾見謗法衆生
而能爲其誠心懺悔可謂善哉而復於我有
彼十
憐愍心如我所念諮請如來若不取我如是
誠心則我願不滿若持我心問如來者我即
依願隨教修行然而聖者栴檀那菩薩爲無
量無邊世界中衆生荷是重擔誠心懺悔復
能如是爲我問此重擔大事爾時栴檀那菩
薩復白放光如來應供正遍覺言世尊如來

亦應聞是月上優婆塞之所請問佛言摩那婆我今已聞月上所請摩那婆於意云何諸佛如來有所利欲耶栴檀那言不也世尊如來無所乏少亦無所欲何以故我昔曾聞諸佛世尊用一衣一食住過恒河沙劫一加跌坐亦過恒河沙劫而身無羸損力無疲倦唯為憐愍諸衆生故所以者何欲令衆生成皆安住如實法中復令衆生悉得真法是故如來方便示現譬喻言說耳世尊如來如是種種方便衆生親見尚不信受何況後時不見如來時放光如來告栴檀那菩薩言若復有人施衆寶物置於如來加跌膝上而諸如來終無所受聲聞弟子亦不得受此真寶物摩那婆汝於是中應當善教此優婆塞長夜利益身心安樂其所獻上真珠瓔珞及妙寶等宜還付之但當教示令其行法如是衆寶雖佛如來及聲聞弟子既不得取亦不得用唯有布施增長功德何以故今諸衆生得利益

彼十

九

故亦應如是教諸衆生爾時月上優婆塞於如來前聞聖教已即以右手執栴檀那菩薩臂頂禮佛足與栴檀那菩薩從彼衆出共歸其家敷座坐已此優婆塞即命家人令開庫藏親誡之曰我庫藏中諸是珍寶今宜盡出置吾目前欲視精麤筭知大數如是知已我當奉獻供養如來應供正遍覺及諸聲聞弟子大衆時長者妻白長者曰能發是心真成大善我雖無知素念斯事未有方便不暇先白忽聞嘉命深慰本心然此寶聚非可長保長者如我愚見今此寶藏難用依恃唯當寄託諸佛福田此功希有終不虧失長者我等應作如是思惟自我先人七世珍寶藏埋地下終是虛棄自餘財物尋還灰壤設有少存誰當用之長者斯為大事宜速及時今日雖獲奉獻如來應供正遍覺破彼積聚秘悋之心而我竊思實謂稍晚長者彼如是人難可值遇我等應須至心供養若於彼所得聞法

者法心生時非餘世利也於是長者報其妻曰我見聖者栴檀那菩薩又聞其言故生恭敬大希有心亦以此菩薩獨能爲彼無量無邊諸世界中謗法衆生誠心懺悔我見此故復於其所益生恭敬希有之心又諸菩薩摩訶薩等爲諸衆生發大誓願荷負重擔常行種種艱難苦行故其妻復誡長者言仁者莫興異念宜應速隨此大菩薩詣如來所當發如是大殷重心供養如來自從先來未曾有人能起如是大供養者爾時長者躬自觀察家內所有一切庫藏及七世來地中諸藏盡出現前校計稱量不可周遍即尋白彼栴檀那菩薩言聖者栴檀那我今不能爲此財物墮於地獄受諸苦惱如彼衆蜂能造甜蜜蜜始成就若食未食即自害身於是栴檀那菩薩告長者言長者如是如是如汝所說長者汝之先人聚此財寶經歷年世非無勤苦然竟不能發慈愛心念一衆生而行惠施唐爲

被十

十

慳心守護是物及其命終生於惡道既生彼已無有善念假令彼時欲發善念大苦侵迫寧能遂心長者汝之戚屬不能救免諸餘衆生何所復論

阿難時彼長者於栴檀那菩薩摩訶薩所聞是教已即於放光如來及諸大衆多設供養既供養已於如來所剝除出家盡形修行供養世尊彼諸財寶無有窮盡於是月上復白栴檀那菩薩言聖者從今更有何方供養如來我若知者昔當修作栴檀那言長者是財寶聚我實不知昔從何生今從何滅何以故以無來處及去處故長者譬如蜜蜂同共出生無量億數瓶瓊等蜜次第食用是蜂不知是蜜所出從何所來去至何處如是之事誰能信者如是長者此財寶藏無常不住埋藏地下漸到水聚終歸大海長者汝於是中當更善思我之先世乃祖乃考但爲慳毒誑惑已心聚積貨財增長惡業哀哉祖考今生何

處辛勤管理竟何所成徒事虛名求勝他耳
如嫉連綿貪婪味著是業因緣永淪惡道

大法炬陀羅尼經六度品第二十四

佛告阿難爾時放光如來告彼善覺菩薩摩訶
訶薩言摩那婆汝宜諦聽善思念之今當爲
汝說善覺菩薩法若諸菩薩持戒清淨無有缺減

彼十

十一

決定成就義利莊嚴如諸菩薩任正戒中最
上持戒畢竟清淨入如實門隨順法智非彼
非此戒功德聚寬大無邊無有人能知其奢
限假使世間一切凡夫乃至聲聞及辟支佛
皆不能知

爾時善覺菩薩白放光佛言世尊今正是時
唯願世尊爲此億數諸菩薩等具足說是如
來戒行成就真相

佛告善覺菩薩言摩那婆所言戒者名不思
議處戒行功德成就如是不可動搖無有垢
濁清淨圓滿永盡衆惡無有任處寬如虛空
不可執持復次摩那婆如是諸波羅蜜所謂

檀那波羅蜜尸羅波羅蜜羼提波羅蜜毗梨
耶波羅蜜禪那波羅蜜般若波羅蜜是中檀
波羅蜜最爲初上而無減少或於諸有及後
生中至天王處者或有減少於後生處貧窮
下賤衣食乏少以乞自資常在生死流轉往
來以貧窮故不能清淨檀波羅蜜是於檀波
羅蜜自然損減摩那婆無有菩薩一向在禪
唯有如來一入不出非諸菩薩常在定也若
常在定則避護生死然諸菩薩若欲緣彼有
生處故留少染惑當知爾時暫捨智根彼精
進根全無所捨是故不名捨菩薩道處彼無
量生死中時此貪染心亦捨不捨彼時雖有
精進而不得菩提何以故以般若波羅蜜未
滿足故是故若緣有生處時不捨精進如是
摩那婆彼亦無二心和合並作也
摩那婆我憶往昔過於無量阿僧祇劫爾時
有佛号曰寶火如來應供正遍覺明行足善
逝世間解無上士調御丈夫天人師佛世尊

出現於世摩那婆彼佛眷屬唯有聲聞二十
四人復有六大菩薩摩訶薩摩那婆彼諸菩
薩摩訶薩等所讀誦經名閻浮上波羅蜜彼
六菩薩皆各住於一波羅蜜行中第一菩薩
讚歎檀波羅蜜即以檀波羅蜜而為勝上第
二菩薩讚歎尸羅波羅蜜即以尸羅波羅蜜

彼十

十二

而為勝上第三菩薩讚歎羣提波羅蜜即以
羣提波羅蜜而為勝上第四菩薩讚歎毗梨
耶波羅蜜即以毗梨耶波羅蜜而為勝上第
五菩薩讚歎禪那波羅蜜即以禪那波羅蜜
而為勝上第六菩薩讚歎般若波羅蜜亦以
般若而為勝上一心修行般若德聚更無餘

念摩那婆爾時寶火佛為欲知彼諸菩薩等
心志所趣故問本修行彼諸菩薩既蒙聖問
各隨本心所行以答時寶火世尊作如是念
斯諸菩薩皆為初入發意修行我今亦須隨
順其意不得違逆何以故若違其心或能退
沒於是告諸菩薩言汝等知是六波羅蜜不

耶諸菩薩言世尊六波羅蜜我等已知佛復
問言汝等云何修持六波羅蜜諸菩薩等各
各稱說己之所行諸波羅蜜復次摩那婆云
何名為第一菩薩樂行檀波羅蜜謂彼菩薩
行檀波羅蜜時凡諸所有乃至居家有人來
來一切皆與所施姊妹女其數九千諸女微妙

難可具說我今略辯彼女之價如此閻浮提
所有一切財寶眾物所謂若生真寶金銀瓊
璃珂貝美玉珊瑚真珠如是等物又閻浮提
所有一切象馬牛羊駝騾驢等及餘所有四
足畜生如是眾類又閻浮提所有人民及餘
眾生有業無業有財無財如是眾物比前所

彼十

十三

施九千女中尚不能敵一女之價而彼菩薩
深心愛樂檀波羅蜜故見人來乞乃至以此
九千美女盡用與之而彼菩薩在家復有九
千白象及以九千無價寶馬如是良馬驥尾
毛色皆如石黛又復亦如雞翅馬王又復亦
如輪王寶馬舉策一馳便度大海如是等馬

悉以施他菩薩復有無價上寶亦滿九千盡用布施摩那婆自餘諸物不可具言若見求者皆持惠施摩那婆時彼菩薩如是施已即於寶火如來法中厭世出家精勤修滿檀波羅蜜摩那婆是為第一菩薩摩訶薩樂行檀波羅蜜中復次摩那婆云何名為第二菩薩樂行尸羅波羅蜜者謂彼菩薩行尸羅波羅蜜時常讚持戒為欲勝彼外道五通諸仙人故具修五通得五通已於彼寶火如來法中出家持戒唯畜三衣如來教發無邊量心心得自在成如來智發生戒聚得如是身乃至成滿三十二種大人妙相以是因緣時彼菩薩讚歎尸羅波羅蜜具足持戒而行平等摩那婆是為第二菩薩摩訶薩樂行住於尸羅波羅蜜中復次摩那婆云何名為第三菩薩樂行羸提波羅蜜者謂彼菩薩行忍辱時或生王宮為王太子具足威力劫濁世時有諸眾生多行非法不孝父母不敬沙門及婆羅門

無有正信汗毀居家破散他室常行賊盜壞人印記好諍恨戾不用善言見他為惡或讚或默不護口過妄說是非煞生偷盜兩舌妄語具行十惡遠離十善是惡人輩漸用增多日別常有一千二千乃至數千官司捕來王子前過其間復有種種惡人或穿墻違禁或踰城越關或棄擯逃叛或侵陵他妻或欺詐他物或妄證是非諸如是等多過罪人官司執獲悉以枷鎖桎梏折械次第將引王子前過如是經歷二十年間然彼王子以慈忍故初無呵責恚恨之心卒亦不行刑戮之事唯出私藏財寶而施與之然後隨罪輕重訶責

彼十

十四

便放因教誡曰汝等當知我信佛故不為眾惡復捨汝不至苦治汝欲念恩斷惡修善摩那婆時彼王子作是思惟我今居此於諸眾生何異惡王閻摩使者治斷罪人今我能行如法忍者當應導引諸眾生等詣世尊所我雖久習如此忍法而亦不可於一切時故

行刑害加彼衆生禁閉獄中乃至縛打後時
 但行訶責放之亦復不可重見聞是背恩無
 義諸衆生等惡言惡事是故當應請佛救彼
 皆令安任於究竟中摩那婆時彼王子思是
 事已即便往詣寶火佛所到已而前頂禮佛
 足敬繞退任具陳斯事摩那婆爾時寶火世
 尊聞王子言羸提波羅蜜隨順印可因而讚
 曰善哉善哉汝善丈夫而今乃能於是惡世
 非義衆中修行如是羸提波羅蜜彼佛世尊
 更爲王子宣說羸提波羅蜜既聞說已乃至
 盡壽不還本宮於此忍中轉更牢固摩那婆
 是爲第三菩薩摩訶薩樂行任彼羸提波羅
 蜜中

大法炬陀羅尼經卷第十

彼十

填塞上音田反菅針上古開反棘刺上紀力反
 賜裸露上玄瓦反赤體也赤體也盡思上上聲暇音反
 開灰壤反下也甜蜜上徒反瓶瓠下戶反貪反
 婪下音貪反王逸曰婪駝驪上音和反驪尾下

上子紅反石黛下音代舉策下楚責恨戾上
 馬反下零帝友一棄擯上奔字下必刃反
 頑反強項之流也一棄擯上奔字下必刃反
 叛音畔皆桎梏上音質下古篇反伏民桁械
 上戶剛反苛暴上音何煩也刑戮下音
 亦械別名苛暴政酷毒也刑戮六

大法炬陀羅尼經卷第十一

短一

隋天竺三藏法師闍那崛多等譯

六度品之餘 求證品第二十五

諸菩薩證三昧品第二十六

召諸菩薩品第二十七

六度品之餘

復次摩那婆云何名爲第四菩薩樂行毗梨
 耶波羅蜜者謂彼菩薩行毗梨耶波羅蜜時
 或在居家若見如來及諸菩薩聲聞大衆凡
 有所須悉能備辦所謂飲食湯藥衣服牀敷
 洗塗手足揩摩身體此等衆具浴器澡水浣
 染衣服庭燎燈燭經行處所及餘種種作使